

Oleh Elder Robert D. Hales

Dari Kuorum Dua Belas Rasul

Pada pagi Sabat ini, kita bersyukur dan bersaksi tentang kenyataan bahawa Juruselamat kita hidup. InjilNya sudah dipulihkan melalui Nabi Joseph Smith. Kitab Mormon adalah benar. Kita dipimpin oleh seorang nabi yang hidup hari ini, Presiden Thosmas S. Monson. Terutamanya, kita memberi kesaksian yang khusus tentang Korban Tebusan Yesus Kristus dan berkat abadi yang datang darinya.

Sepanjang beberapa bulan lepas ini, saya berpeluang untuk mengaji dan belajar dengan lebih mendalam tentang korban tebusan Juruselamat kita dan bagaimana Dia menyediakan diri sendiri untuk membuat persembahan abadi itu untuk kita setiap orang.

PersediaanNya bermula pada hidup prafana bila Dia berharap kepada BapaNya, berkata, “KehendakMu jadilah, dan kemuliaan adalah milikMu selamanya.” Bermula pada saat itu dan sehingga hari ini, Dia menggunakan hak pilihanNya untuk menerima dan melaksanakan rancangan Bapa Syurgawi kita. Kitab-kitab suci mengajar kita bahawa sepanjang masa mudanya, Dia melakukan perkerjaan Bapanya dan Dia berharap kepada Tuhan demi kedatangan masa pelayanannya. Pada usia tiga puluh, Dia menderita godaan yang sukar tetapi Dia masih pilih untuk menentang, dan berkata, “Tinggalkan Aku, Setan.” Dalam Getsemani, Dia percaya kepada BapaNya, dan mengisytiharkan, “Tetapi janganlah turut kehendakKu, melainkan kehendakMu berlaku,” dan kemudian menggunakan hak pilihanNya untuk menderita kepada dosa kita. Melalui penghinaan satu perbicaraan awam dan kesengsaraan penyaliban, Dia harapkan BapaNya, rela untuk “terluka untuk pelanggaran kita...[dan] memar untuk kederhakaan kita.” Bila Dia berseru, “Ya TuhanKu, Ya TuhanKu, mengapa Engkau meninggalkan Aku?” Dia berharap kepada Bapa--- menggunakan hak pilihanNya untuk mengampun musuhNya, menjaga ibuNya, dan bertahan sampai akhir sehingga hidup dan misiNya sudah tamat.

Saya selalu merenung, mengapa Putera Tuhan dan para nabi kudusNya dan semua orang suci yang beriman menghadapi cubaan dan kesengsaraan, mahupun pada masa mereka cuba untuk melakukan kehendak Bapa Syurgawi? Mengapa hidup begitu susah, terutamanya kepada mereka?

Saya memikir tentang Joseph Smith, yang menderita kesakitan semasa masih seorang budak dan penganiayaan sepanjang hidupnya. Seperti Juruselamat, dia berseru, “Ya Tuhan, di manakah Engkau?” Walaupun ternampaknya dia bersendirian, dia gunakan hak pilihannya untuk berharap kepada Tuhan dan mejalankan kehendak Bapa Syurgawi.

Bila saya memikir tentang perintis nenek moyang kita, yang dipaksa untuk meninggalkan Nauvoo dan melintasi tanah datar---menggunakan hak pilihan mereka untuk mengikut seorang nabi walaupun mereka menderita kesakitan, kemiskinan, dan mahupun kematian. Mengapa mereka mengalami kesengsaraan yang begitu hebat? Sehingga bila? Demi tujuan apa?

Bila kita menanya soalan-soalan ini, kita sedar bahawa tujuan hidup kita pada bumi ini adalah untuk berkembang, memaju, dan diperkuatkan melalui pengalaman kita. Bagaimana kita boleh mencapai ini? Kitab suci memberikan kita jawapan dalam satu frasa yang ringkas: Kita “berharap kepada Tuhan.” Ujian dan cubaan diberikan kepada kita semua. Cabaran fana ini membenarkan kita dan Bapa Syurgawi kita untuk melihat adakah kita akan gunakan hak pilihan kita untuk mengikut PuteraNya. Dia sudah tahu, dan kita bersempat untuk mempelajari, bahawa walaupun betapa susah keadaan kita, “segala hal ini akan memberi [kita] pengalaman, dan...kebaikan.”

Dapatkah kita selalu memahami cabaran kita? Tidakkah kita, kadang-kala, ada alasan untuk bertanya, “Ya Tuhan, di manakah Engkau?” Memang ada! Bila seorang suami atau isteri mati, teman itu akan tertanya-tanya diri sendiri di manakah Tuhan? Bila kesukaran kewangan berlaku dalam keluarga, seorang bapa akan tanya soalan ini. Bila seorang anak sesak pada jalan yang lurus, seorang ibu dan bapa akan berseru dengan kesedihan. Ya, “air mata mungkin mengalir pada waktu malam, tetapi fajar membawa kegembiraan.” Kemudian, pada permulaan iman dan kefahaman kita yang masih berkembang, kita bangun dan memilih untuk berharap kepada Tuhan, dan berkata, “KehendakMu terjadilah.”

Jadi, apakah ertinya untuk berharap kepada Tuhan? Dalam kitab suci, perkataan berharap bererti untuk menjangka, dan untuk mempercayai. Untuk menjangka dan mempercayai Tuhan memerlukan iman, kesabaran, kerendahan hati, kelembutan hati, panjang sabar, mematuhi perintah, dan bertahan sampai akhir.

Untuk berharap kepada Tuhan bererti untuk menanam satu biji benih iman dan memupuknya “dengan ketekunan yang besar, dan...kesabaran.”

Ia bererti berdoa seperti Juruselamat berdoa-pergi ke Tuhan, Bapa Syurgawi kita-dan berkata, “KerajaanMU datang, KehendakMu jadilah.”

Berharap kepada Tuhan bererti untuk merenung dalam hati anda dan “menerima Roh Kudus” supaya kita dapat mengetahui “segala sesuatu yang hendaknya [kita] lakukan.”

Bila kita mengikut peringatan Roh, kita mendapati bahawa penderitaan mengajar kita kesabaran dan kita belajar untuk “teruslah dalam kesabaran sampai [kita] disempurnakan.

Berharap kepada Tuhan bererti untuk “berdiri teguh” dan “maju terus” dengan beriman, “memiliki kecemerlangan harapan yang sempurna.”

Ia bererti untuk “bersandar hanya pada jasa Kristus” dan “dengan kasih kurnia[Nya] membantu [kita, berkata]: kehendakMu jadilah, ya Tuhan, dan bukan kehendak kami.”

Semasa kita berharap kepada Tuhan, kita “tak tergoyahkan dalam menaati perintah-perintah Tuhan,” mengetahui bahawa kita “akan suatu hari beristirahat dari segala kesengsaraan [kita].”

Dan kita “janganlah putus harapan” kerana “segala sesuatu dengan apa [kita] telah disengsarakan akan bekerja bersama demi kebaikan [kita].”

Kesengsaraan datang dalam bermacam-macam bentuk. Pengalaman Ayub mengingatkan kita bahawa kita mungkin dipanggil untuk bertahan. Ayub kehilangan segala milikannya, termasuk tanah, rumah, dan binatangnya; ahli-ahli keluarganya; reputasinya, kesihatan jasmaninya, dan juga kesihatan mentalnya. Tetapi, dia masih berharap kepada Tuhan dan memberikan satu kesaksian peribadi yang berkuasa:

“Tetapi aku tahu bahawa di syurga ada Penyelamatku; akhirnya Dia akan datang menolongku:

“Walaupun ... dimakan penyakit, tetapi aku akan melihat Tuhan selagi aku bertubuh.”  
“Biarlah Tuhan membunuh aku... namun aku akan membela perkaraku di hadapanNya.”

Walaupun adanya teladan baik Ayub, para nabi, dan Juruselamat, masih adalah satu cabaran untuk berharap kepada Tuhan, terutamanya bila kita tidak dapat memahami rancanganNya dan tujuanNya untuk kita dengan sepenuhnya. Kefahaman itu biasanya datang “baris demi baris, ajaran demi ajaran.”

Sepanjang hidup saya, saya mendapati bahawa ada masanya saya tidak terima jawapan kepada doa saya kerana Tuhan tahu bahawa saya masih belum sedia. Bila Dia menjawab, biasanya “di sini sedikit, di sana sedikit” kerana itulah jumlah yang dapat saya terima atau yang rela saya lakukan.

Terlalu banyak kali kita berdoa demi kesabaran, tetapi kita hendakannya dengan serta merta! Bila dia seorang pemuda, Presiden David O. McKay berdoa demi kesaksian kebenaran injil. Banyak tahun sudah lepas, bila dia melayani misi di Scotland, kesaksian itu akhirnya datang. Dia menulis, “Ia adalah satu jaminan kepada saya bahawa doa yang ikhlas dijawab pada ‘sesuatu masa, sesuatu tempat.’ ”

Kita mungkin tidak tahu tentang masa atau cara Tuhan menjawab kita, tetapi pada masaNya dan dengan caraNya, jawapan akan datang. Untuk jawapan tertentu kita mungkin mesti tunggu sehingga kehidupan selepas kefanaan. Ini mungkin benar untuk janji dalam berkat bapa bangsa kita dan berkat untuk ahli keluarga. Janganlah kita berputus asa terhadap Tuhan. BerkatNya adalah abadi, bukan sementara sahaja.

Berharap kepada Tuhan berikan kita satu peluang yang berharga untuk mendapati bahawa ada banyak orang yang berharap kepada kita. Anak-anak kita berharap kepada kita untuk menunjukkan kesabaran, kasih sayang, dan kefahaman terhadap mereka. Ibubapa kita berharap kepada kita untuk menunjukkan kesyukuran dan belas kasihan. Adik kita berharap kepada kita untuk bertoleransi, berbelas kasihan, dan sedia mengampun. Suami isteri kita berharap kepada kita untuk menyayangi mereka seperti Juruselamat menyayangi kita setiap orang.

Bila kita bertahan dengan penderitaan jasmani, kita lebih bersedar tentang betapa banyak orang melayani kita. Kepada wanita seperti Maria dan Martha, kepada orang yang seperti orang Samaria yang melayani orang yang sakit, menyokong yang lemah, dan menjaga orang yang sakit mental atau sakit jasmani, saya menghuraikan kesyukuran dari Bapa Syurgawi dan PuteraNya. Dalam pelayanan harian anda yang seperti Kristus, anda melayan Tuhan dan melakukan kehendak Bapa Syurgawi anda. JaminanNya kepada anda adalah jelas: “Manakala kamu melakukan perkara itu untuk salah seorang daripada saudaraKu, walaupun dia dihina, kamu telah melakukannya untukKu.” Dia mengetahui pengorbanan dan kesedihan anda. Dia mendengar doa anda. Kedamaian dan rehatNya akan menjadi kedamaian dan rehat anda bila anda terus melayani Dia dengan beriman.

Kita setiap orang amat dikasihi Tuhan, lebih yang dapat kita faham atau gambarkan. Jadi, biarlah kita lebih berbekas kasih terhadap orang lain dan terhadap kita diri sendiri. Ingatilah bahawa bila kita berharap kepada Tuhan, kita menjadi “orang suci melalui pendamaian Kristus Tuhan, . . . menjadi seperti seorang anak, tunduk, lembut hati, rendah hati, sabar, penuh dengan kasih, bersedia tunduk pada segala sesuatu yang Tuhan anggap patut untuk ditimpakan ke atas diri [kita], bahkan seperti anak tunduk kepada ayahnya.”

Begitu juga penyerahan Juruselamat kita kepada BapaNya dalam Taman Getsemani. Dia merayu para pengikutnya, “Tinggallah di sini dan berjaga dengan Aku,” tetapi dia kembali kepada mereka dan mereka sudah tidur. Tanpa teman para pengikutNya dan kehadiran BapaNya, Juruselamat memilih untuk “menderita rasa sakit dan kesengsaraan dan cubaan dari setiap jenis.” Seorang Malaikat dari syurga datang untuk memperkuatNya, Dia minun dari cawan yang pahit. Dia berharap kepada BapaNya dan berkata, “KehendakMu jadilah,” dan Dia menginjak-injak alat pemeras anggur bersendirian. Sebagai salah seorang dari dua belas orang RasulNya pada zaman akhir,

saya berdoa supaya kita akan diperkuatkan untuk berjaga bersama Dia dan berharap terhadap Dia sepanjang hidup kita.

Pada pagi Sabat ini, saya mengucapkan kesyukuran saya kerana dalam Taman Getsemani saya dan juga Taman Getsemani anda, kita tidak bersendirian. Dia berjaga kita dan “tidak pernah terlelap ataupun tertidur.” Para malaikatNya yang berada di sini atau di sebelah tirai “di sekitar [kita], untuk menopang [kita].” Saya berikan kesaksian saya bahawa janjiNya adalah benar: “Orang yang berharap kepada Tuhan akan mendapat kekuatan baru. Mereka seperti burung rajawali, yang terbang tinggi dengan kekuatan sayapnya. Mereka akan berlari dan tidak lelah; mereka akan berjalan dan tidak menjadi lemah.” Semoga kita berharap kepada Dia dengan terus maju ke depan dengan beriman. Dalam nama kudus Juruselamat dan Penebus kita, Yesus Kristus, amin.